

MEMORANDUM

O

RAZMIJEVANJU

između

Državne agencije za evaluaciju i akreditaciju Republike Bugarske

i

Agencije za razvoj visokog obrazovanja i osiguranje kvaliteta

Bosne i Hercegovine

Ovaj Memorandum o razumijevanju sklopljen je između **Državne agencije za evaluaciju i akreditaciju Republike Bugarske** (u daljem tekstu: **NEAA**),

i

Agencije za razvoj visokog obrazovanja i osiguranje kvaliteta Bosne i Hercegovine (u daljem tekstu: **HEA BiH**).

Preambula

U kojem:

Državna agencija za evaluaciju i akreditaciju je osnovana 1. avgusta 1996.g. uredbom Vijeća ministara br. 189 kao posebno državno tijelo Vijeća ministara za osiguranje kvaliteta u visokom obrazovanju. Od njenog osnivanja 1996.g., status NEAA-e kao tijela Vijeća ministara se nije mijenjao.

NEAA je tijelo utemeljeno zakonom koje je nadležno za evaluaciju, akreditaciju i praćenje kvaliteta u visokoškolskim ustanovama i istraživačkim centrima u cilju unapređivanja

nastavnog procesa i istraživačkog rada, te njihovog razvoja kao naučnih, kulturnih i inovativnih organizacija.

Agencija prati kapacitete ustanova, njihovih glavnih organizacijskih jedinica i sektora za pružanje kvalitetnog obrazovanja i istraživačke aktivnosti kroz unutaršnji sistem kvaliteta.

NEAA-ina misija jeste da podstiče visokoškolske ustanove da osiguravaju i unaprjeđuju kvalitet njihove obrazovne djelatnosti održavanjem visokih akademskih standarda i razvijene tradicije obrazovanja u Bugarskoj.

HEA BiH osnovana je 2008.g. Okvirnim zakonom o visokom obrazovanju u Bosni i Hercegovini kao samostalna upravna organizacija. Glavni zadatak HEA-e jeste razvoj sistema osiguranja kvaliteta u visokom obrazovanju Bosne i Hercegovine u skladu s Bolonjskim procesom, što podrazumijeva razvoj standarda i sprovođenje akreditacije visokoškolskih ustanova i studijskih programa. Transparentne i javne procedure za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa čine okosnicu sistema vanjskog osiguranja kvaliteta.

NEAA i HEA BiH imaju srodne misije i institucionalne ciljeve u razvoju osiguranja kvaliteta u visokom obrazovanju, kao i zajednički interes za razvoj i promoviranje dobre prakse u području osiguranja kvaliteta.

Član I

Ciljevi Memoranduma o razumijevanju

NEAA i HEA BiH su se ovim memorandumom usaglasile da će sklopiti partnerski odnos na obostranu korist te da će raditi na izgradnji platforme za saradnju u cilju razmjene informacija i dobre prakse.

Član II

Područja saradnje

U tu svrhu, **evalag** i HEA BiH će raditi na ispunjavanju sljedećih ciljeva koji su od koristi za obje strane:

- a. Razmjena informacija
Razmjena transparentnih dokumenata, informacija o radu i ekspertize prema potrebi i kada je to primjereno;
- b. Razvoj osoblja
Omogućiti razvoj osoblja objiju strana prema potrebi i kada je to primjereno;

- c. Razmjena eksperata
Koristiti listu eksperata /specijalista obiju strana u cilju jačanja međunarodne dimenzije institucionalnih revizija i/ili akreditacija, programskih akreditacija i posebnih provjera prema potrebi i kada je to primjereno;
- d. Saradnja u istraživačkom radu
Saradnja u istraživačkom radu u području osiguranja kvaliteta za pitanja od obostrane koristi prema potrebi i kada je to primjereno;
- e. Zajedničke aktivnosti
Saradnja u bilo kojim drugim aktivnostima koje su korisne za obje strane, prema potrebi i kada je to primjereno.

Član III **Vremenski okvir**

Memorandum o razumijevanju će stupiti na snagu danom njegovog potpisivanja i važiće 3 godine, osim u slučaju kada bilo koja strana odluči raskinuti Memorandum uz prethodnu najavu 3 mjeseca unaprijed.

Član IV **Izmjene Memoranduma**

Uslovi Memoranduma se mogu izmijeniti bilo kada uz saglasnost obiju strana. U cilju izmjene odredbi radi prilagođavanja trenutnim potrebama u 2012. godini će se izvršiti ocjena djelotvornosti odredbi ovog Memoranduma. Sve dalje ocjene vršiće se svake tri godine.

Član V **Nadležnost nad provođenjem Memoranduma**

Predsjednik NEAA-e (u trenutku potpisivanja prof. dr. Ivan Panaytov) i direktor HEA-e BiH (u trenutku potpisivanja dr. Nihad Fejzić) će biti odgovorni za provođenje odredbi ovog Memoranduma. Za određena područja saradnje ova odgovornost se može delegirati na članove osoblja NEAA-e i HEA-e BiH.

Član VI Resursi

U pravilu, svaka strana će snositi vlastite troškove za implementaciju odredbi ovog Memoranduma, osim ako to nije drugačije uređeno u svrhu ispunjavanja određenih projektnih uslova. Kada je to moguće, agencija domaćin će osigurati smještaj, a troškove putovanja će snositi gostujuća agencija. Za određena područja saradnje donatorska sredstva se mogu tražiti iz drugih izvora.

Član VII Plan projekata i aktivnosti

Svi projekti ili druge aktivnosti koji proizlaze iz odredbi ovog Memoranduma će biti prezentirani u administrativnim planovima rada koji se prilažu uz ovaj Memorandum.

Član VIII Zakonska odgovornost

Ovaj Memorandum ne uključuje nikakvu zakonsku odgovornost strana potpisnica niti dovodi bilo koju od strana u povlašteni položaj.

Potpisano u Sofiji u januaru 2010.g.

Prof. dr. Ivan Panaytov
Predsjednik
Državna agencija za evaluaciju i
akreditaciju Republike Bugarske

Kontakt informacije

Državna agencija za evaluaciju i
akreditaciju Republike Bugarske

125 „Tsarigradsko Shose“ bulevar, bl. 5. fl.
4, Sjeverno krilo
Sofija 1113
Bugarska

Tel: + 359 2 8077811

Potpisano u Banja Luci u januaru
2010.g.

Dr. Nihad Fejzić
Direktor

Agencija za razvoj visokog
obrazovanja i osiguranje kvaliteta
Bosne i Hercegovine

Agencija za razvoj visokog
obrazovanja i osiguranje
kvaliteta Bosne i
Hercegovine

Tel: (387) 51 462 300

Fax: + 359 2 971 20 68

Email: info@neaa.government.bg

Website: www.neaa.government.bg

Fax: (387) 51 461 302

Email: info@hea.gov.ba

Website: www.hea.gov.ba

Prevod: Agencija za razvoj visokog obrazovanja i osiguranje kvaliteta